



REPUBLIKA E SHQIPËRISË

ZYRA E INSPEKTORIT TË LARTË TË DREJTËSISË
KOMITETI I EMËRIMIT DHE VLERËSIMIT TË INSPEKTORËVE

Nr. 1578/ Prot.

Tiranë, më 07.07.2022

V E N D I M

Nr. 38 datë. 07.07.2022

**“PËR NDALIMIN E KANDIDIMIT TË ZNJ. KOZETA ALIDERVISHAJ NË
VENDIN VAKANT PËR INSPEKTOR JOMAGJISTRAT, SHPALLUR NGA
INSPEKTORI I LARTË I DREJTËSISË NË DATË 30.09.2021”**

Komiteti i Emërimit dhe Vlerësimit të Inspektorëve i përbërë nga:

Z. Besnik Maho – Kryetar
Znj. Joana Asimi – Anëtar
Z. Julian Zonja- Anëtar

Asistuar nga Sekretariati teknik i përbërë nga:

Znj. Alma Zili
Znj. Eljona Bylykbashi
Znj. Jetmira Saraçi

Në mbledhjen e datës 07.07.2022, mori në shqyrtim çështjen që i përket:

Kandidates për inspektor jomagjistrat: Znj. Kozeta Alidervishaj

OBJEKTI: Urdhërimi i ndalimit të znj. Kozeta Alidervishaj, në vendin vakant për inspektor jomagjistrat, të shpallur nga Inspektori i Lartë i Drejtësisë në datën 30.09.2021.

Komiteti pasi u njoh me aktet si dhe bisedoi çështjen në tërësi,

VËREN:

I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 3 dhe 77, të vendimit nr. 536, datë 25.07.2019, të Këshillit të Ministrave "Për krijimin e

kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", me njoftimin e datës 30.09.2021, në faqen zyrtare ka shpallur procedurën për 9 vende vakante për pozicionin e inspektorit jomagjistrat. Shpallja ka qenë e hapur për 30 ditë, periudhë gjatë së cilës do të administrohet kërkesa e të interesuarve, bashkë me dokumentacionin e renditur në shpallje.

2. Në përfundim të afatit të shpalljes, me urdhrin nr. 142, datë 29.10.2021 "Për fillimin e procedurës së përzgjedhjes së kandidatëve jomagjistratë për pozicionin e Inspektorit pranë Zyrës së Inspektorit të Lartë të Drejtësisë", të ndryshuar, Inspektori i Lartë i Drejtësisë ka ngritur Komitetin e Emërimit dhe Vlerësimit të Inspektorëve, si organi që do të zhvillojë procedurat përzgjedhëse për plotësimin e vendeve të shpallura.
3. Komiteti i Emërimit dhe Vlerësimit të Inspektorëve, në përfundim të afatit për paraqitjen e aplikimeve për shprehje interesi për kandidim datë 29.10.2021, zhvilloi mbledhjen e parë më datë 08.11.2021, ku vendosi për radhën e shqyrtimit të dosjes që i përket çdo kandidati dhe fillimin e procedurave të verifikimit, vlerësimit, pikëzimit dhe renditjes së kandidatëve që kanë shprehur interes për vendin vakant për Inspektor Jomagjistrat pranë Zyrës së Inspektorit të Lartë të Drejtësisë duke njoftuar në faqen zyrtare në rubrikën "Njoftime"; "Rekrutim Inspektorë Jo-Magjistratë" listën e personave të interesuar për vendin vakant dhe fillimin e shqyrtimit të aplikimeve të kandidatëve të shoqëruara me dokumentet e paraqitura prej tyre për përmbushjen e kushteve dhe kriterëve ligjore të përcaktuara në nenin 209 dhe nenin 211, pika 2 të ligjit nr. 115/2016 "Për organet e qeverisjes së sistemit të drejtësisë", i ndryshuar dhe të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit".
4. Znj. Kozeta Alidervishaj, si një ndër kandidatët që ka shprehur interesin nëpërmjet kërkesës me nr. 3978 prot., datë 28.10.2021 dhe me nr.3878/1 prot., datë 29.10.2021 për vendin vakant të Inspektor Jomagjistrat pranë Zyrës së Inspektorit të Lartë të Drejtësisë, është njoftuar me shkrim për tu paraqitur pranë Zyrës së Inspektorit të Lartë të Drejtësisë, për të vijuar me përmbushjen e procedurave të verifikimit të kandidaturës bazuar në detyrimet ligjore, të përcaktuara nga neni 209, neni 211, pika 2, të ligjit nr.115/2016 "Për organet e qeverisjes së sistemit të drejtësisë", të ndryshuar, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve

ligjore, verifikimin e figurës e të pasurisë së kandidatëve jomagjistratë për pozicionin e inspektorit", si dhe urdhrit nr. 7, datë 04.03.2020, të Inspektorit të Lartë të Drejtësisë "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë". Njoftimi me shkrim, i kryer në rrugë elektronike në adresën e deklaruar nga vetë kandidati, gjendet i administruar në dosjen e kandidimit.

5. Në datën 09.11.2021, kandidati Kozeta Alidervishaj, është paraqitur pranë Zyrës së Inspektorit të Lartë të Drejtësisë dhe është pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure vërtetohet nga nënshkrimi prej vetë kandidatit të Deklaratës përkatëse, e cila gjendet e administruar në dosjen e kandidimit
6. Në datën 18.11.2021 kandidati Kozeta Alidervishaj ka depozituar tek sekretariati teknik, formularët e deklarimit dhe autorizimet përkatëse për qëllimet e vijimit të procedurës së verifikimit të kandidaturës së tij, të cilat gjenden të administruara në dosjen e kandidimit.
7. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e pasurisë, Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit A, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", me shkresën përcjellëse me nr. 4228 prot. datë 26.11.2021, i ka dërguar Inspektoratit të Lartë të Deklarimit dhe Kontrollit të Pasurisë dhe Konfliktit të Interesit (ILDKPKI), listën e kandidatëve dhe të personave të lidhur me ta, sikurse janë deklaruar prej vetë kandidatëve, që i nënshtrohen procedurës së deklarimit dhe kontrollit të pasurisë, si edhe kopjet e deklaratave të nënshkruara nga secili prej tyre.
8. Inspektori i Lartë i Drejtësisë ka dërguar ILDKPKI-së listën e kandidatëve dhe personave të lidhur me ta që i nënshtrohen procedurës së verifikimit të kushteve dhe kriterëve të tjera ligjore të kandidimit sipas ligjit nr. 9049 datë 10.04.2003 "Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë", ligjit nr.9367 date 07.04.2005 "Për parandalimin e konfliktit të interesave në ushtrimin e funksioneve publike" dhe ligjit nr. 115/2016 "Për organet e qeverisjes së Sistemit të Drejtësisë", të ndryshuar.
9. Bashkëlidhur kësaj shkrese drejtuar ILDKPKI-së, ndërmjet të tjerave, është vendosur edhe Deklarata e nënshkruar nga kandidati Kozeta Alidervishaj, ku deklarohet se është pajisur me formularët e deklarimit dhe autorizimet që duhet të plotësohen për qëllimet

e procedurës së verifikimit të kandidaturës së tij, si edhe data e nënshkrimit, nga e cila fillojnë të llogariten afatet e përcaktuara nga ligji për përmbushjen e detyrimeve ligjore të kandidatit për procedurën e verifikimit të kandidaturës.

10. Me shkresën nr. 4570/1 prot, datë 24.12.2021, prot ILDKPKI ka informuar Inspektorin e Lartë të Drejtësisë së kandidati Kozeta Alidervishaj, e ka përmbushur detyrimin për të dorëzuar të plotësuar Deklaratën e Pasurisë dhe Interesave Privatë të Kandidatit për Pozicione të Ndryshme në Institucionet e Sistemit të Drejtësisë.
11. ILDKPKI, në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", me aktin nr. 663/24 prot., datë 26.01.2022, ka dërguar pranë Zyrës së Inspektorit të Lartë të Drejtësisë, rezultatet e përfundimit të kontrollit të ushtruar për kandidatin Kozeta Alidervishaj dhe personat e lidhur me të.
12. Gjithashtu, në funksion të ushtrimit të kompetencave të tij për verifikimin e plotësimit të kushteve dhe kriterëve ligjore të kandidimit, për sa i përket kontrollit të pasurisë, si dhe në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", ky institucion kryen verifikime pranë subjekteve publike dhe private që lejon ligji, të të dhënave mbi pasuritë, interesat privatë dhe detyrimet financiare që ekzistojnë në emër dhe për llogari të kandidatit Kozeta Alidervishaj dhe personave të lidhur me të si dhe administron/analizon të dhënat që dalin nga procesi i verifikimi të kriterit të pasurisë.
13. Për realizimin e veprimeve verifikuese të lidhura me kontrollin e pasurisë së kandidati Kozeta Alidervishaj, referuar aktit të përfundimit të kontrollit të deklaratës së pasurisë rezulton se ILDKPKI-ja me shkresën nr. 663 prot., datë 09.12.2021 i është drejtuar me kërkesa për informacion lidhur me kandidatin Kozeta Alidervishaj institucioneve: *Banka e Shqipërisë, Banka Raiffeisen sha, Banka Kombëtare Tregtare sha, Banka Intesa Sanpaolo sha, Banka Alpha sha, Banka Tirana sha, Banka e Bashkuar e Shqipërisë sha, Banka ProCredit sha, Banka e Parë e Investimeve sha, Banka Amerikane e Investimeve sha, Banka Credins sha, Banka Union sha, Banka OTP Albania sha, Raiffeisen Leasing sha, Porsche Leasing shpk, RFZ Invest sha, Credins Invest sha, DPSHTRR, Qendra Kombëtare e Biznesit, DPT, ISSH, D.P Detare, ASHK online.*
14. Për verifikimin e kushteve dhe kriterëve ligjore të kandidimit, të përcaktuara në nenin 209, pika 6, germa "a" dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit C, të

Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", kandidati Kozeta Alidervishaj ka depozituar diplomë të arsimit të lartë me nr. 4034132, datë 12.07.2010 të lëshuar nga Universiteti i Firencës Itali. Në përputhje me parashikimet e nenit 92 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", ky lloj arsimimi kualifikohet si arsim i lartë juridik, Master Shkencor, pas njohjes së diplomës së fituar në përfundim të studimeve të kryera jashtë vendit, me nr. 217 regjistri, datë 25.04.2014 të Ministrisë së Arsimit dhe Sportit.

15. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e integritetit të kandidatit Kozeta Alidervishaj, Inspektori i Lartë i Drejtësisë i është drejtuar me kërkesë për informacion Drejtorisë së Sigurisë së Informacionit të Klasifikuar (*shkresa nr. 4268 prot, datë 02.12.2021*), Shërbimit Informativ të Shtetit (*shkresa nr. 4263 prot, datë 02.12.2021*), Agjencisë së Inteligjencës dhe Sigurisë së Mbrojtjes (*shkresa nr. 4265 prot, datë 02.12.2021*) dhe Shërbimit për Çështjet e Brendshme dhe Ankesat pranë Ministrisë së Brendshme (*shkresa nr.4269 prot, datë 02.12.2021*).
16. Drejtorja e Sigurisë së Informacionit të Klasifikuar, Shërbimi për Çështjet e Brendshme dhe Ankesat pranë Ministrisë së Brendshme, Shërbimit Informativ të Shtetit dhe Agjencisë së Inteligjencës dhe Sigurisë së Mbrojtjes kanë dërguar përgjigjet e tyre, përkatësisht (*me shkresën nr.28 prot., datë 06.01.2022, shkresën nr. 6711/17 prot., datë 16.12.2021, shkresën nr.1157 prot., datë 10.12.2021 dhe shkresën nr. 4620/2 prot., date 28.12.2021*).
17. Në mbështetje të nenit 209, pika 6, germave "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, me shkresën me nr. 4264 prot., datë 02.12.2021 është kërkuar informacion që lidhet me integritetin e secilit prej kandidatëve pranë Prokurorisë së Posaçme kundër Korrupsionit dhe Krimin të Organizuar, me shkresën nr. 4260 prot., datë 02.12.2021 Prokurorisë të Përgjithshme dhe me shkresën nr. 4261 prot., datë 02.12.2021 Drejtorisë të Përgjithshme të Burgjeve, lidhur me:
 - Çdo të dhënë apo indicie të ardhur nga agjencitë ligjzbatuese për fillimin e hetimeve në lidhje me dyshimet e ngritura në kuptimin të ligjit material dhe procedural mbi të cilin ushtron veprimtarinë ky institucion kushtetues;
 - Kopje të dokumentacionit që përmban të dhëna në rastet e identifikimit të kandidatit jo magjistratë në kontakte me persona të papërshtatshëm (anëtarë të organizatave kriminale, persona të dënuar penalisht apo persona të dyshuar për

kryerjen e veprave penale), ku përfshihen edhe biseda, foto, vëzhgime takimesh apo kontakte telefonike;

- Nëse janë zhvilluar ndaj tyre procese gjyqësore të karakterit penal, dhe rezultojnë të dënuar, për efekt të gjendjes gjyqësore.

18. Informacioni i kërkuar për sa më sipër, është përcjellë në Zyrën e Inspektorit të Lartë të Drejtësisë me shkresën nr. 9874/1 prot., datë 14.12.2021 të Prokurorisë së Posaçme kundër Korrupsionit dhe Krimit të Organizuar, shkresën nr. 13028/1 prot., datë 10.12.2021 të Drejtorisë të Përgjithshme të Burgjeve dhe shkresën 1689/28 prot., datë 14.12.2021 të Prokurorisë të Përgjithshme.
19. Për verifikimin e kushteve dhe kriterëve ligjore të kandidimit, që kanë të bëjnë me përvojën profesionale si "Jurist", jo më pak se pesëmbëdhjetë vite punë në çastin e kandidimit, në zbatim të nenit 209, pika 6, germa "c", e ligjit nr. 115/2016 "Për organet e qeverisjes së sistemit të drejtësisë", Inspektori i Lartë i Drejtësisë i është drejtuar me kërkesë për informacion Institutit të Sigurimeve Shoqërore me shkresën nr. 4259 prot, datë 02.12.2021 në lidhje me periudhën e derdhjes të kontributeve të sigurimeve shoqërore. Instituti i Sigurimeve Shoqërore ka kthyer përgjigje me shkresën nr. 7674/1 prot, datë 13.12.2021 dhe me shkresën nr. 1108/1 prot, datë 10.02.2022.
20. Gjithashtu, për këtë rast kandidimi, Inspektori i Lartë i Drejtësisë i është drejtuar me kërkesë për informacion Dhomës Kombëtare të Avokatisë me nr. 4266 prot., datë 02.12.2021. Kërkesa është bërë në mbështetje të nenit 209, pika 6, germa "ç", të ligjit nr. 115/2016 "Për organet e qeverisjes së sistemit të drejtësisë", të ndryshuar dhe seksionit C të kreut IV, të vendimit nr. 536, date 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", duke kërkuar nëse kandidati, në mënyre aktive, ka ushtruar profesionin e avokatit të paktën në dy vitet e fundit.
- Dhoma Kombëtare e Avokatisë është përgjigjur me shkresën nr. 333 prot., datë 22.12.2021 (informacion i cili është administruar në dosjen e kandidatit).
21. Lidhur me kriterin e përcaktuar në nenin 209, pika 6, germa "d" të ligjit nr. 115/2016 "Për organet e qeverisjes së sistemit të drejtësisë", të ndryshuar, është dërguar shkresa nr.4261, datë 02.12.2021 në Drejtorinë e Përgjithshme të Burgjeve, ku është kërkuar informacion nëse kandidati është dënuar më parë me vendim gjyqësor të formës së prerë për kryerjen e një veprave penale. Drejtoria e Përgjithshme e Burgjeve ka kthyer përgjigje pranë Zyrës së Inspektorit të Lartë të Drejtësisë me shkresën nr. 13028/1 prot., datë 10.12.2021.

22. Gjithashtu, lidhur me verifikimin dhe kontrollin e integritetit, në zbatim të nenit 209, pika 6, germa "e", të ligjit nr. 115/2016 "Për organet e qeverisjes së sistemit të drejtësisë", të ndryshuar, dhe pikës 62, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", i është kërkuar Autoritetit për Informim mbi Dokumentet e Ish - Sigurimit të Shtetit nëse secili kandidat, përfshihet në rastin e posaçëm të nenit 209, pika 6. germa "e", e ligjit nr. 115/2016 "Për organet e qeverisjes së sistemit të drejtësisë", të ndryshuar: "e) ka qenë ose jo anëtar, bashkëpunëtor ose të favorizuar nga ish-Sigurimi i Shtetit para 2 korrikut 1991" apo në njërin nga rastet më të përgjithshme të pikës 2, të nenit 29, të ligjit nr. 45/2015 "Për të drejtën e informimit për dokumentet e ish-sigurimit të shtetit të Republikës Popullore Socialiste të Shqipërisë."

Me shkresën nr. 4262 prot, datë 02.12.2021, Inspektori i Lartë i Drejtësisë, ka dërguar formularin e aplikimit përkatës të plotësuar sipas ligjit nga kandidati i sipërcituar, për kompetencë dhe shqyrtim Autoritetit për Informimin mbi Dokumentet e Ish-Sigurimit të Shtetit.

23. Autoriteti për Informimin mbi Dokumentet e Ish-Sigurimit të Shtetit, me shkresën nr. 1886/4 prot, datë 20.01.2022 ka dërguar pranë Zyrës së Inspektorit të Lartë të Drejtësisë, informacionin, i cili është bashkëngjitur praktikës së kandidatit (*Vendim nr.16, datë 17.01.2022* i Autoritetit për Informimin mbi Dokumentet e Ish-Sigurimit të Shtetit).

24. Në vijim të procedurave të verifikimit që lidhet me integritetin e kandidatëve për inspektor jomagjistratë si dhe për të shmangur çdo lloj konflikti interesi që bie ndesh me nenin 209, pika 6, germa "dh", "ë" dhe "f" të ligjit nr.115/2016 "Për organet e qeverisjes së sistemit të drejtësisë", të ndryshuar është njoftuar zyrtarisht secili kandidat që të plotësojë formularët përkatës që lidhen me:

- mospasjen e funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit;
- mosqenien bashkëpunëtorë, informatorë ose agjentë të ndonjë shërbimi sekret;
- mosqenien anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit.

Për sa i takon kandidatit Kozeta Alidervishaj, është paraqitur në ambientet e Zyrës së Inspektorit të Lartë të Drejtësisë dhe ka dorëzuar të plotësuar secilin prej formularëve të mësipërm.

25. Në përfundim të veprimeve dhe procedurave të kontrollit dhe verifikimit, në zbatim të nenit 209 dhe nenit 211, pika 2, të ligjit nr. 115/2016 " Për organet e qeverisjes së

sistemit të drejtësisë", të ndryshuar, pikës 27 e vijues, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Komiteti ka proceduar me përgatitjen e relacionit përkatës mbi gjendjen e faktit dhe të ligjit të zbatueshëm.

26. Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, të C, të Kreut IV vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Kryetari i Komitetit të Emërimit dhe Vlerësimit të Inspektorëve ka thirrur mbledhjen e Komitetit duke njoftuar anëtarët për zhvillimin e saj në datën 06.07.2022, rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë edhe çështja me objekt shqyrtimin e aplikimit të kandidimit të znj. Kozeta Alidervishaj, për vendin vakant për inspektor jomagjistrat në Zyrën e Inspektorit të Lartë të Drejtësisë.

II. Vlerësimi i Komitetit

27. Komiteti i Emërimit dhe Vlerësimit të Inspektorëve, duke u bazuar në dispozitat ligjore dhe ato nënligjore normative të zbatueshme për çështjen në shqyrtim, si edhe në rrethanat e faktit që rezultojnë nga aktet që përmban dosja e kandidimit, vlerëson se duhet të procedojë me vendim për ndalimin e kandidimit të kandidatit Kozeta Alidervishaj për vendin vakant për Inspektor jomagjistrat pranë Zyrës së Inspektorit të Lartë të Drejtësisë.
28. Në ligjin nr.115/2016 "Për organet e qeverisjes së sistemit të drejtësisë", të ndryshuar konkretisht në nenin 209, në pikën 6, përcaktohen "Kushtet për inspektor jomagjistrat", si vijon:
- 6. Kandidatët për inspektorë, të cilët nuk janë magjistratë, duhet të plotësojnë kushtet e mëposhtme:*
- a) të jenë shtetas shqiptarë me diplomë të nivelit të dytë në drejtësi dhe me rezultate të larta në studimet universitare;*
- b) të kenë integritet të lartë moral dhe përgatitje të lartë profesionale;*

- c) në kohën e kandidimit, të kenë përvojë pune si jurist, të paktën 15 vjet;
- ç) në kohën e kandidimit, të mos kenë ushtruar në mënyrë aktive profesionin e avokatit të paktën 2 vitet e fundit;
- d) të mos kenë qenë dënuar më parë me vendim gjyqësor të formës së prerë për kryerjen e nje krimi;
- dh) të mos kenë mbajtur funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit;
- e) të mos kenë qenë anëtare, bashkëpunëtorë ose te favorizuar nga ish-Sigurimi i Shtetit para 2 korrikut 1991;
- ë) të mos jenë bashkëpunëtorë, Informatorë ose agjentë të ndonjë shërbimi sekret;
- f) të mos jenë anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit;

29. Përsa i përket procedurës së verifikimit të pasurisë, në përfundim të veprimeve të kontrollit të ushtruar nga ana ILDKPKI-së, në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", me aktin nr. 663/24 prot., datë 26.01.2022, ka dërguar pranë Inspektorit të Lartë të Drejtësisë, rezultatet e kontrollit të ushtruar për kandidatin Kozeta Alidervishaj dhe personat e lidhur me të.

30. Në përfundim të analizës së hollësishme financiare të kryer mbi bazën e gjetjeve të siguruar nga informacionet e dërguara nga institucione publike dhe subjekte private, lidhur me deklarimin e pasurisë dhe interesave private të kandidatit Kozeta Alidervishaj, ILDKPKI në raportin e paraqitur ka ardhur në përfundimet se:

- a) deklarimi është i saktë në përputhje me ligjin;
- b) ka burime financiare të ligjshme për të justifikuar pasurinë;
- c) nuk ka kryer fshehje të pasurisë;
- ç) nuk ka kryer deklarim të rremë;
- d) nuk gjendet në situatën e konfliktit të interesave.

31. Sikurse rezulton nga përmbajtja e aktit nr. 663/24 prot., datë 26.01.2022, për kandidatin Kozeta Alidervishaj, gjetjet dhe përfundimet e ILDKPKI-së nuk evidentojnë se ka problem me kriterin e pasurisë, duke përmbushur në këtë mënyrë të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit A, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe te kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit". Për rrjedhojë, për sa më sipër, ky kandidat nuk gjendet në kushtet e ndalimit të kandidimit për sa i përket kriterit të verifikimit të pasurisë.

32. Në lidhje me kushtin e kandidimit të parashikuar nga neni 209, pika 6, germa "a" e ligjit nr. 115/2016, pra që kandidatët të "a) të jetë shtetas shqiptare me diplomë të nivelit të dytë në drejtësi dhe me rezultate të larta në studimet universitare;" nga dokumentacioni i shqyrtuar rezulton se kandidati Kozeta Alidervishaj, ka përfunduar studimet dhe ka fituar titullin "Jurist" me diplomën nr. 4034132, datë 12.07.2010 të lëshuar nga Universiteti i Firencës Itali. Në përputhje me parashikimet e nenit 92 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", ky lloj arsimimi kualifikohet si arsim i lartë juridik, Master Shkencor, pas njohjes së diplomës së fituar në përfundim të studimeve të kryera jashtë vendit, me nr. 217 regjistri, datë 25.04.2014 të Ministrisë së Arsimit dhe Sportit. Për rrjedhojë kandidati Kozeta Alidervishaj nuk gjendet në kushtet e ndalimit të kandidimit sipas dispozitave të sipërcituara.
33. Lidhur me kushtin e kandidimit të parashikuar nga neni 209, pika 6, germa "b" e ligjit nr. 115/2016, pra që kandidatët "b) të kenë integritet të lartë moral dhe përgatitje të lartë profesionale". Nga aktet e administruara në dosjen e aplikimit, si dhe bazuar në rezultatet e arritura nga kandidati në përfundim të arsimit të lartë ku ka fituar titullin "Jurist" ashtu edhe në Master Shkencor, kandidati Kozeta Alidervishaj e plotëson këtë kriter.
34. Lidhur me verifikimin dhe kontrollin e integritetit, kandidati Kozeta Alidervishaj ka dorëzuar në afat formularin e vetëdeklarimit sipas ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", të cilin, Inspektori i Lartë i Drejtësisë ia ka përcjellë për verifikim dhe kompetencë sipas ligjit Prokurorisë së Përgjithshme dhe Prokurorisë së Posaçme kundër Korrupsionit dhe Krimit të Organizuar.
35. Prokuroria e Përgjithshme, me shkresën nr. 1689/28 prot., datë 14.12.2021 rezultatet e kontrollit të ushtruar për kandidati Kozeta Alidervishaj, janë kryer në bazë të vendimit të datës 13.12.2021. Në bazë të pikës 4.2.2 të vendimit të sipërcituar, mbahet qëndrimi se "indiciet, të dhënat apo faktet që i atribuohen personit/subjektit të ligjit për dënimet penale, masa sigurimi personal, urdhër kërkimi ndërkombëtar apo dëbime nga territori i një shteti, janë të domosdoshme ligjërish, pasi vetëm mbi bazë të tyre mund t'i kërkohet autoriteteve të huaj policore dhe gjyqësore, informacion dhe dokumenta, nga të cilat mund të paraqitën rrethana që përfshihen brenda ndalimeve të parashikuara nga ligji nr. 138/2015".

Për këtë shkak, Prokuroria e Përgjithshme ka vendosur mospranimin e kërkesës të ILD-së, për verifikim të të dhënave të pasqyruara në Formularin e Vetëdeklarimit të datës 18.11.2021 personi/subjekti Kozeta Alidervishaj kandidat jomagjistrat për pozicionin e inspektorit pranë Zyrës së Inspektorit të Lartë të Drejtësisë.

36. Në mbështetje të nenit 209, pika 6, germa "b" dhe "d", të ligjit nr. 115/2016 "*Për organet e qeverisjes së sistemit të drejtësisë*", të ndryshuar, me shkresën me nr. 4264 prot., datë 02.12.2021 është kërkuar informacion që lidhet me integritetin e secilit prej kandidatëve pranë Prokurorisë së Posaçme kundër Korrupsionit dhe Krimin të Organizuar. Me shkresën me nr. 9874/1 prot., datë 14.12.2021, kjo Prokurori ka dërguar informacionin se për znj.Kozeta Alidervishaj, kandidat për pozicionin e inspektorit jomagjistrat, nuk rezultojnë të jetë regjistruar ndonjë procedim penal.
37. Referuar nenit 209, pika 6, germës "b" të ligjit nr. 115/2016, Komiteti vjen në përfundimin se kandidati Kozeta Alidervishaj, krahas plotësimit të saktë formularit të vetëdeklarimit, nuk u vu në dijeni të ndonjë indicieje, të dhëne apo fakteve që i atribuohen këtij kandidati për dënime penale, masa sigurimi personal, urdhër kërkimi ndërkombëtar apo dëbime nga territori i një shteti. Për rrjedhojë, lidhur me këtë kriter, ky kandidat nuk gjendet në kushtet që mund të sjellin ndalimin e kandidimit.
38. Referuar nenit 209, pika 6, germa "b" të ligjit nr. 115/2016, Komiteti vjen në përfundimin se kandidati Kozeta Alidervishaj, krahas plotësimit të saktë formularit të vetëdeklarimit, nuk është dënuar më parë për kryerjen e ndonjë vepre penale dhe nuk është regjistruar asnjë procedim penal. Për rrjedhojë, lidhur me këtë kriter, ky kandidat nuk gjendet në kushtet që mund të sjellin ndalimin e kandidimit.
39. Gjithashtu, për të verifikuar çdo të dhënë tjetër që lidhet me integritetin, bazuar në nenin 209, pika 6, germa "b" e ligjit nr. 115/2016, Komiteti verifikoi, nëpërmjet informacionit të sjellë sipas ligjit nga organet kompetente ligjzbatuese si Drejtoria e Sigurimit të Informacionit të Klasifikuar, Shërbimi Informativ i Shtetit, Agjencia e Inteligjencës dhe Sigurisë së Mbrojtjes dhe Shërbimi i Kontrollit të Çështjeve të Brendshme dhe Ankesave pranë Ministrisë së Brendshme, nëse kandidatët "*ka lidhje ose kontakte të papërshtatshme me personat e përfshirë në krimin e organizuar ose me persona të dyshuar të krimin të organizuar*".
- Ky verifikim përbën standardin kushtetues dhe ligjor tashmë të vendosur për figurën dhe integritetin e funksionarëve kushtetues të sistemit të drejtësisë, përpara zgjedhjes dhe gjatë ushtrimit të funksionit, pas ndryshimeve të Kushtetutës në vitin 2016, duke pasur parasysh ato të përcaktuara edhe në nenin DH të Aneksit të Kushtetutës, si edhe në ligjet e tjera të nxjerra në pajtim me të, përfshirë ligjin nr. 84/2016, pra mbi të njëjtat standard dhe interpretim të këtij kriteri në procesin e rivlerësimit kalimtar të gjyqtarëve dhe prokurorëve.
40. Shërbimi i Kontrollit të Çështjeve të Brendshme dhe Ankesave pranë Ministrisë së Brendshme me shkresën nr.4620/2 prot., date 28.12.2021, ka përcjellë pranë Zyrës së

Inspektorit të Lartë të Drejtësisë, informacionin e kërkuar, të cituar më sipër, nga ku rezulton se, në lidhje me kandidatin Kozeta Alidervishaj:

“a) Nuk figurojnë të evidentuar për veprimtari kriminale, apo të kenë lidhje kontakte të papërshtatshme me persona të përfshirë me krimin e organizuar në ngarkim të znj. Kozeta Alidervishaj.”

41. Drejtoria e Sigurimit të Informacionit të Klasifikuar, me shkresën nr.28 prot., datë 06.01.2022, ka përcjellë pranë Inspektorit të Lartë të Drejtësisë informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara më sipër, nga ku rezulton se, në lidhje me kandidatin Kozeta Alidervishaj:

“a) Nuk disponon të dhëna informacione për përfshirjen në veprimtari që çenojnë sigurinë kombëtare apo aktivitete të kundërligjshme dhe që bien në kundërshtim me kërkesat e nenit 38 të ligjit nr.84/ 2016 “Për rivlerësimin kalimtar të gjyqtarëve dhe prokurorëve në Republikën e Shqipërisë dhe pikën 66, geramat a) dhe c) të VKM nr. 536, datë 25.07.2019 “Për krijimin e kushteve për Inspektorin e Lartë të Drejtësisë për verifikimin e plotë të kushteve dhe kriterëve ligjore, verifikimin e figurës dhe të pasurisë të kandidatëve jo magjistratë për pozicionin e inspektorit në ngarkim të znj Kozeta Alidervishaj.”

42. Shërbimi Informativ i Shtetit, me shkresën nr.6711/17 prot., datë 16.12.2021, ka përcjellë pranë Inspektorit të Lartë të Drejtësisë informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara më sipër, nga ku rezulton se, në lidhje me kandidatin Kozeta Alidervishaj:

“a) Nuk disponohen të dhëna dhe informacione për përfshirje në veprimtari që çenojnë sigurinë kombëtare, apo aktivitete të kundërligjshme në ngarkim të znj Kozeta Alidervishaj.”

43. Agjencia e Inteligjencës dhe Sigurisë së Mbrojtjes, me shkresën nr.1157 prot., datë 10.12.2021, ka përcjellë pranë Inspektorit të Lartë të Drejtësisë informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara më sipër, nga ku rezulton se, në lidhje me kandidatin Kozeta Alidervishaj:

“a) Nuk disponohen të dhëna dhe informacione për përfshirje në veprimtari që çenojnë sigurinë kombëtare, apo aktivitete të kundërligjshme në ngarkim të znj Kozeta Alidervishaj.”

44. Komiteti i Emërimit dhe Vlerësimit të Inspektorëve, bazuar në njohjen dhe shqyrtimin e informacionit të klasifikuar të dërguar nga agjencitë ligjzbatuese, vjen në përfundimin se, edhe për këtë kriter, në zbatim të nenit 209, pika 6, germa "b" të ligjit nr. 115/2016, ky kandidat nuk gjendet në kushtet që mund të sjellin ndalimin e kandidimit.
45. Lidhur me kushtin e kandidimit të parashikuar nga neni 209, pika 6, germa "c" e ligjit nr. 115/2016, pra që kandidatët "c) në kohën e kandidimit, të kenë përvojë pune si jurist, të paktën 15 vjet", nga dokumentacioni i shqyrtuar, gjatë procesit të verifikimit rezultoi se kandidati ka dorëzuar librezën e punës në të cilën të vërtetohej përvoja e punës si Jurist prej 6 vite, 4 muaj dhe 6 ditë, si më poshtë:
- Ndihmës ligjor, Prokuroria e Përgjithshme për periudhën 12 Janar 2015- 04 Nëntor 2015
 - Oficer i Policisë Gjyqësore, Prokuroria e Përgjithshme 05 Nëntor 2015- deri në datën e aplikimit.
46. Duke qenë se znj. Kozeta Alidervishaj nga dokumentacioni i dorëzuar, librezë pune dhe vërtetime punësimi të lëshuar nga studio ligjore italiane, evidentohen 11 vite, 3 muaj dhe 5 ditë, Komiteti me e-malin e datës 16.11.2021 ka vendosur t'i kërkojë kandidatit, dokumentacion shtesë për të vërtetuar se në kohën e kandidimit si inspektor jomagjistrat të ketë përvojë pune si jurist, të paktën 15 vjet, kriter ky i parashikuar nga neni 209, pika 6, germa "c" e ligjit nr. 115/2016.
47. Me shkresën nr. 3978/4, datë 18.11.2021, kandidati Kozeta Alidervishaj, dorëzoi sqarimet përkatëse dhe dokumente shkruese, të cilat provojnë përvojën profesionale që ajo ka kryer në Studio Ligjore Pacini Itali nga viti 2006 deri në vitin 2010. Nga tërësia e dokumentacionit shtesë të dërguar nga kandidati Kozeta Alidervishaj si dhe sqarimet që ajo i ka dhënë ILD-së shpjegon se "sipas vërtetimit të lëshuar nga Studio Ligjore Pacini Itali dhe administruara në dosjen e kandidatit në ILD, ajo ka kryer praktikën në këtë studio me këmbëngulje, devocion, konfidencialitet dhe në përputhje me rregullat etike nga viti 2006 deri në vitin 2010. Ligji Italian e parashikon periudhën e stazhit si periudhë të formimit profesional dhe vjetërsi në punë (ligji nr.845/1978, ligji nr.196/1997 dhe D.M nr. 142/1998). Gjithashtu, Dekreti Ministerial nr. 70, datë 17.03.2016 "Për rregulloren e disiplinimit të stazhit", parashikon se studenti që ndjek studimet universitare në drejtësi, mund të paraprijë periudhën e stazhit, duke kryer 12 orë javore praktikë pranë një studio ligjore. Ajo shpjegon se ka qenë praktikante me frekuentim të plotë, që prej vitit 2006 dhe se këtë dokumentacion e ka dorëzuar në ILD më datë 28.10.2021, librezë e avokatit".
48. Bazuar në sqarimet dhe dokumentacion e paraqitur nga kandidati Kozeta Alidervishaj, Komiteti, konstaton se, për periudhën 2006-2010 që ajo ka kryer stazhin Studio Ligjore Pacini Itali, se Ligji Italian e parashikon periudhën e stazhit si periudhë të formimit

profesional dhe vjetërsi në punë, sipas Dekretit Ministerial nr. 70, datë 17.03.2016 “Për rregulloren e disiplinimit të stazhit”, i cili parashikon se studenti që ndjek studimet universitare në drejtësi, mund të paraprijë periudhën e stazhit, duke kryer 12 orë javore praktikë pranë një studio ligjore, janë fakte të cilat kanë të bëjnë me kryerjen e veprimtarisë si praktikant e cila në rast se paguhet njihet edhe si periudhë vjetërsie si e tillë, por **kursesi si periudhë punësi si jurist, pasi një titull i tillë është fituar pas diplomimit në datë 12.07.2010.**

49. Nga çasti i diplomimit si “Jurist” dhe deri në çastin e aplikimit në Zyrën e Inspektorit të Lartë të Drejtësisë për pozicionin Inspektor Jomagjistrat, rezulton se kandidati Kozeta Alidervishaj, ka 11 vite, 3 muaj dhe 5 ditë duke përfshirë edhe periudhën tetor 2010 - dhjetor 2014, periudhë gjatë së cilës ka ushtruar profesionin si “jurist”, sipas vërtetimeve përkatëse. Në referim të periudhave më sipër vlerësohet se **kriteri i periudhës të punës jo më pak se 15 vite punë nuk plotësohet.**
50. Referuar diplomës të arsimit të lartë të fituar nga kandidati Kozeta Alidervishaj, rezulton se ka marrë titullin “Jurist” në vitin 2010, fakt ky që provohet nga diploma me nr. 4034132, datë 12.07.2010 i lëshuar nga Universiteti i Firences Itali, e dorëzuar në ILD si dhe nga shënimet e Certifikatës ku ajo ka fituar titullin “Avokat” me nr.8334 licence, datë 31.10.2014 e lëshuar Dhoma Kombëtare e Avokatëve.
51. Çdo lloj aktiviteti profesional (intership/praktikë) i dhënë nga kandidati Kozeta Alidervishaj, para periudhës të verës 2010, pavarësisht faktit se ka kryer praktikën pranë Studio Ligjore Pacini Itali dhe se mund të jenë paguar kontribute të sigurimeve shoqërore, nuk mund të vlerësohet si periudhë punësi si “Jurist”, pa pasur ende titullin përkatës të lëshuar nga institucioni i arsimit të lartë brenda apo jashtë vendit, si një kusht “*sine qua non*”. Për më tepër, Dekreti Ministerial nr. 70, datë 17.03.2016 “Për rregulloren e disiplinimit të stazhit”, që parashikon se studenti që ndjek studimet universitare në drejtësi, mund të paraprijë periudhën e stazhit, duke kryer 12 orë javore praktikë pranë një studio ligjore, **nuk ka fuqi prapavepruese për ta konsideruar periudhën 2006-2010 të kandidatit** Kozeta Alidervishaj, si jurist për këtë periudhë kohore.
52. Neni 92, pika 1 dhe 4 e ligjit nr. 80/2015 “Për arsimin e lartë në Republikën e Shqipërisë”, parashikon se: 1. *Diplomat, certifikatat e gradat e fituara në përfundim të studimeve të kryera jashtë vendit, që i përkasin niveleve nga 5 deri në 8, të Kornizës Shqiptare të Kualifikimeve, njihen dhe njësohen përmes lëshimit të dokumentit zyrtar, **të barasvlershëm nga pikëpamja e së drejtës për të vazhduar arsimimin, punësimin ose karrierën akademike në Shqipëri, në përfundim të procedurës zyrtare të njohjes.*** 4. *Titujt e lëshuar jashtë vendit nga një institucion i huaj i arsimit të lartë njihen në Republikën e Shqipërisë, të barasvlershëm nga pikëpamja e së drejtës për të vazhduar punësimin ose karrierën akademike në Shqipëri, **përmes procedurës zyrtare të njohjes***”

53. **Bazuar sa më sipër, përfshirë edhe sqarimet dhe dokumentacionin shtesë të depozituar nga kandidati Kozeta Alidervishaj, Komiteti konstaton se kandidati nuk plotëson kushtin e përvojës së punës si jurist, të paktën se 15 vjet veprimtari profesionale,** të parashikuar nga neni 209, pika 6, germa "c", e ligjit nr. 115/2016.
54. Për sa i përket urdhërimeve të nenit 209, pika 6, germa "ç", të ligjit nr. 115/2016 "Për organet e qeverisjes së sistemit të drejtësisë", të ndryshuar dhe seksionit B të kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", ku kërkohet që kandidati për inspektor jomagjistrat, të mos ketë ushtruar në mënyre aktive, profesionin e avokatit të paktën në dy vitet e fundit është kthyer përgjigje nga Dhoma Kombëtare të Avokatisë me shkresën 333 prot., datë 22.12.2021. Në bazë të kësaj përgjigjeje rezultoi se "Kozeta Alidervishaj, figuron në regjistrin e asistent avokatëve të Republikës të Shqipërisë, regjistruar në datë 16.09.2012. **Nuk ka licencë avokatie**".
55. Për verifikimin e kushteve dhe kriterëve të tjera ligjore të kandidimit, në zbatim të nenit 209, pika 6, germa "d", "dh", "e", "ë" dhe "f", të ligjit nr. 115/2016, Komiteti shqyrtoi dokumentacionin e depozituar nga vetë kandidati Kozeta Alidervishaj, në momentin e kandidimit pranë organit të emërtesës që ka shpallur vendin vakant, si dhe atë të mbërritur nga Drejtoria e Përgjithshme e Burgjeve dhe Autoriteti për Informimin mbi Dokumentet e Ish-Sigurimit të Shtetit.
56. Në nenin 209, pika 6, germa "d" e ligjit nr. 115/2016, si kusht kandidimi përcaktohet që kandidatët "d) të mos kenë qenë dënuar më parë me vendim gjyqësor të formës së prerë për kryerjen e një krimi". Nga dokumentacioni që është administruar në dosjen e kandidimit, Komiteti konstaton se kandidati Kozeta Alidervishaj, nuk rezultoi të jetë dënuar. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.
57. Gjithashtu, lidhur me kriterin e përcaktuar në nenin 209, pika 6, germa "d" të ligjit nr. 115/2016 "Për organet e qeverisjes së sistemit të drejtësisë", Drejtoria e Përgjithshme e Burgjeve me shkresën nr. 13028/1 prot., datë 10.12.2021, jep informacionin se për shtetasin Kozeta Alidervishaj, "Rezultoi se nuk ka shënime në sistem, nuk ka të regjistruar dënime penale të formës së prerë".
58. Në nenin 209, pika 6, germa "dh" e ligjit nr. 115/2016, si kusht kandidimi përcaktohet që kandidatët "dh) të mos kenë mbajtur funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit". Nga dokumentacioni i shqyrtuar, përfshi këtu dhe formularin e vetëdeklarimit, rezultoi se

kandidati Kozeta Alidervishaj, nuk rezulton të ketë mbajtur funksione politike ose pozicione drejtuese në parti politike gjatë 10 vjetëve të fundit përpara kandidimit. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.

59. Në vijim të procedurave të verifikimit të integritetit në bazë të nenit 209, pika 6, germa "e", të ligjit nr. 115/2016 "Për organet e qeverisjes së sistemit të drejtësisë", kandidati Kozeta Alidervishaj ka dorëzuar në afat formularin e aplikimit "Për informim përpara emërimit/zgjedhjes në poste të larta" parashikuar në ligjin nr. 45/2015, të cilin, Inspektori i Lartë i Drejtësisë ia ka përcjellë për verifikim dhe kompetencë sipas ligjit Autoritetit për Informimin mbi Dokumentet e Ish-Sigurimit të Shtetit.
60. Bazuar në përgjigjen nr. 1886/4 prot, datë 20.01.2022 të Autoritetit për Informimin mbi Dokumentet e Ish-Sigurimit të Shtetit, është administruar vendimi nr.16, datë 17.01.2022, nga ku rezulton se kandidati Kozeta Alidervishaj, nuk ka qenë përfshirë për spiunazh apo terrorizëm si dhe nuk ka qenë anëtar, bashkëpunëtor ose i favorizuar nga Sigurimi Shtetit, duke përmbushur në këtë mënyrë kushtet e parashikuara nga ligji nr. 45/2015 për pastërtinë e figurës së funksionarit kushtetues në lidhje me sjelljen dhe veprimtarinë e tij përpara muajit korrik 1991. Për rrjedhojë, lidhur me këtë kriter, në zbatim të nenit 209, pika 6, germa "e" të ligjit nr. 115/2016, ky kandidat nuk gjendet në kushtet që mund të sjellin ndalimin e kandidimit.
61. Në nenin 209, pika 6, germa "ë" e ligjit nr. 115/2016, si kusht kandidimi përcaktohet që kandidatët "ë) të deklarojë se nuk është bashkëpunëtor, informator ose agjent i ndonjë shërbimi sekret, në kohën e kandidimit; Nga dokumentacioni i shqyrtuar, përfshi këtu dhe formularin e vetëdeklarimit në dosjen e kandidimit, Komiteti konstaton se kandidati Kozeta Alidervishaj, nuk rezulton të jetë bashkëpunëtor, informator ose agjent i ndonjë shërbimi sekret në kohën e kandidimit. Për rrjedhojë, kandidati nuk gjendet në kushtet e ndalimit të kandidimit sipas kësaj dispozite.
62. Në nenin 209, pika 6, germa "f" të ligjit nr. 115/2016, si kusht kandidimi përcaktohet që kandidatët "f) të mos jenë anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit."
- Nga dokumentacioni i shqyrtuar, përfshi këtu dhe formularin e vetëdeklarimit, rezulton se kandidati Kozeta Alidervishaj, nuk rezulton të jetë anëtar i organeve drejtuese të ndonjë grupi interesi, të tilla si shoqata ose sindikata në kohën e kandidimit. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.
63. Nisur nga sa analizohet dhe arsyetohet me sipër, bazuar në gjetjet dhe të dhënat e konstatuara gjatë procedurës së verifikimit që rezultojnë nga aktet dhe dokumentacioni që përmban dosja e kandidimit, në interpretim dhe zbatim të ligjit të zbatueshëm për kushtet dhe kriteret e kandidimit për Inspektor jomagjistrat, Komiteti i Emërimit dhe

Vlerësimi të Inspektorëve vjen në përfundimin se ndaj kandidati Kozeta Alidervishaj duhet të vendoset ndalimi i kandidimit, në vendin vakant për Inspektor jomagjistrat pranë Zyrës së Inspektorit të Lartë të Drejtësisë, të shpallur nga Inspektori i Lartë i Drejtësisë në datën 30.09.2021, nuk plotëson kriterin e përvojës së punës si jurist të paktën 15 (pesëmbëdhjetë) vjet, parashikuar në nenin 209, pika 6, germa "c" e ligjit nr. 115/2016 "Për organet e qeverisjes së sistemit të drejtësisë" të ndryshuar,

PËR KËTO ARSYE:

Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë" të ndryshuar, pikave 27/b, 28/a, 30, 31, 72, 73, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimi të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë" Komiteti i Emërimit dhe Vlerësimit të Inspektorëve:

V E N D O S I:

1. Ndalimin e kandidimit të kandidati Kozeta Alidervishaj, në vendin vakant për inspektor jomagjistrat, i shpallur nga Inspektori i Lartë i Drejtësisë në datë 30.09.2021.
2. Ky vendim i njoftohet kandidatit Kozeta Alidervishaj.
3. Kandidati ka të drejtën e ankimit në gjykatën kompetente, brenda afatit ligjor.
4. Ky vendim publikohet në faqen zyrtare të Inspektorit të Lartë të Drejtësisë.

KOMITETI I EMËRIMIT DHE VLERËSIMIT TË INSPEKTORËVE

ANËTAR


Julian Zonja

KRYETAR


Besnik Maho

ANËTAR


Joana Asimi

